



partii naleraq

16.Maj.2017

UPA2017/55

Siunissami aalisarsinnaanermut akuersissutip aqutsisoqarfimmi ataasiinnarmi ator-neqartalernissaa taamatullu aqutsisoqarfiup “Kalaallit Nunaata sinnerata” siunissami aqutsivinnut immikkoortunut arfinilinnut aggornilersorneqarnissaa (Maniitsoq, Paamiut, Qaanaaq, Sisimiut, Kalaallit Nunaata kujataa aamma Tasiilaq) anguniarlugu sinerissamut qanittumi qaleralinniarneq pillugu nalunaarut allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut. (Inatsisartunut ilaasortaq Michael Rosing, Demokraatit)

Sinerissap qanittuani qaleralinniarnermi aqutsiveqarfinnik allanngortiteriniarnermik siunnersuut Partii Naleqqamiit imatut oqaaseqarfigissavarput.

Ullumikkut sinerissap qanittuani qaleralinniarnermi aqutsiveqarfinnik aggornilersuisimaneq ippinnartoqartinnginnatsigu, Naalakkersuisulli akissuteqaatiminni Nuuk immikkut aqutsiveqarfinngorsinnaaneranik misissuinerat tusaatissatut tigullutigu.

Aammalu aalisarnermut Inatsisissap tamakkiisumik nutarterniarneqarnera ukiamut utaqqi-maarneqarnissaa inassutigalutigu neriulluta tamakkiisumik iluarsisassat iluarsineqarumaartut

Neriullutalu pisassat nunatta tamakiisumik pigeqqilerumaarai inuisalu atortaleqqikkumaaraat, inuit ataasiakkaat selskabillu pigiunnaarlugit, aalisarsinnaanermullu akuersissutinik agguassisarneq neriulluta sinerissamut siammaanneqarnissaa aqutissiunneqarumaartoq.

Aalisarnermullu allagartaqarlernissaq anguneqarnissaa kissaatigilluinnakkatta ilagimmassuk assigiinngitsunut pingasunut inissitat tassa Inuussutissarsiuutigivillugu aalisarnermut allagartaq, Tapertaralugu aalisarnermut allagartaq, Sunngiffimmi aalisarnermut allagartaq, soorluttaaq Piniarnermut allagartaqartoqartoq, il.il. tassa aalisarnermut Inatsisissaq ukiamut saqqummiunniarneqartoq Kalaallit Nunatsinnut Inuinullu naleqquttumik suliarineqarnissaa tamakkiisumik kissaatigigatsigu. Taamatut oqaaseqarluta siunnersuutigineqartoq itigartsitsissutigineqarnissaa siunnersuutigaarput.

Henrik Fleischer

